

澤州府志

沿革始末略

前後五代時擅竊非據橫被遷斂馬貴與以為分割不可  
詳在唐亦復隸屬不一茲於建置中具表昭晰其沿革頗  
煩處列始末略於後紙便於尋覽者求悉因次始末略一  
卷

冀州之分不始唐虞輿地考曰顓帝之所建帝嚳受之創制  
九州統領萬國堯使禹平水土還為九州

舜十有二州蔡氏沈曰冀州止有河內之地今河東一路是  
也至商時九圍九有周職方氏列為九州蓋不甚久復合

禹貢導水壺口雷首至于太岳底柱析城至于王屋太行恒  
山至于碣石入于海自壺口至碣石皆冀州山也

澤州府志

卷之二

沿革

一

錐指曰古者河北之地皆謂之河內自戰國魏始有河內  
河東之別而秦漢因之以置郡周之所謂河內不止河內  
郡地

蔡沈氏曰冀州帝都三面距河

爾雅九州注郭璞曰殷制兩河間曰冀州蓋自東河至西  
河

周冀州之分左傳鄭子產曰昔高辛氏有二子伯曰闕伯季  
曰實沈日尋干戈后帝不臧遷闕伯于商邱主辰商人是  
因遷實沈于大夏主參唐人是因以服事夏商其季世曰  
唐叔虞及成王滅唐而封太叔虞

春秋時屬晉後三家分晉屬韓前漢書曰上黨本韓之別  
都遠韓近趙馮亭降趙乃屬趙屬趙四年即入秦

按澤春秋時鐸翟所居及士會滅之而後入晉

國語周襄王避昭叔之難晉文公納王行賂于草中之戎

與麗土之翟以求東道二年春公以二軍下次陽樊注東行曰

下

左傳僖公二十五年晉文公勤王襄王賜之陽樊温原攢

茅之田晉於是始啟南陽林氏注曰四邑在晉山南河北

故曰南陽

春秋宣公十六年春王正月晉人滅赤狄甲氏及留吁

杜注曰甲氏留吁赤狄別種晉既滅潞今又并盡其餘黨

傳十六年春晉士會帥師滅赤狄甲氏及留吁鐸辰

杜注曰鐸辰不書留吁之屬

馬氏通攷曰春秋前後戎與翟之入在中夏者曰姜驪陸

澤州府志

卷之二

沿革

二

渾赤白翟臯落潞甲氏留吁鼓鮮虞肥等時興滅不一與

春秋相終始而齊晉之伯亦必先制之而後可以爲盟主

晉都冀北立國于戎翟之間祝鮀所謂疆以戎索籍談所

謂晉居深山戎翟之與隣

高平畢氏振姬曰晉屬諸參拜戎不暇戎翟實偪處此潞

子土地甲兵壓天下周鄭齊魯邢衛備翟方西向與晉爭

沁之巖翟武鄉沁源之白翟遼之昔陽榆社之甲父純留

之留長子之吁壺關陵川之廡咎如卑耳澤之鐸高平之

辰米陽城沁水之烏虢長翟悉杖馬箠從潞子盜邊晉之

滅潞也爲不祀也祀其星辰以山川正之不出韓趙魏衛

之界

戰國爲長平上黨地

史記趙地昴畢之分楚趙分晉得趙國北有信都眞定常  
山中山又得涿郡之高陽莫州鄉東有廣平鉅鹿清河河  
間又得渤海郡之東平舒中邑文安東州成平章武河以  
北也南至浮山樂陽內黃斥邱西有太原定襄雲中五原  
上黨

魏地背觶參之分野其界自高陵以東盡河東河內南有  
陳留及汝南之召陵潁疆新汲西華長平潁川之舞陽鄆  
許鄆陵河南之開封中牟陽武酸棗卷 趙世家成侯十

六年與韓魏分晉封晉君以端氏

徐廣曰在平陽正義曰端氏澤州縣也

韓世家桓惠王十年秦擊我太行我上黨守以上黨降趙  
十四年秦拔上黨殺馬服子卒四十餘萬於長平二十六  
年秦悉拔我上黨 魏世家公孫欣謂韓懿侯曰魏瑩與

澤州府志

卷之二

沿革

三

公中緩爭爲太子今魏瑩得王錯挾上黨固半國也因而  
除之破魏必矣正義曰秦上黨今澤潞儀

儀遼州

沁四州之

地兼相州之半韓總有之至七國時趙得儀沁韓猶有潞  
州及澤州之半半屬趙魏

按此是魏分亦有上黨不獨韓趙史以魏地有長平其始  
分爲然耶至趙降韓上黨僅四年而爲秦攘在趙孝成王  
五年馮亭入上黨城市邑十七其七年廉頗免而趙括代  
以有長平之禍長平終不得爲趙有前史以長平之戰太  
白食昴竟以趙分當之恐未盡然

後漢書曰秦置河東郡去雒陽西北五百里

按漢時瀋澤端氏屬河東似秦時高都不足以該上黨高  
都名亦不始自秦史遷曰楚圍雍氏韓徵甲與粟於東周

惠公少子東周君恐召蘇代使說韓相國曰何不與周高都索

隱曰高誘云高都韓邑所謂以弊高都得完周相國果與

周高都今屬上黨

漢地理志曰河東郡縣二十四有濩澤縣禹貢析城山在西

北在端氏縣 上黨郡縣十四有泫氏縣南楊谷絕水所出

應劭曰山海經高都縣莞谷丹水所出東南陽阿縣 河

內郡縣十八有沁水縣

輿地攷曰漢武帝置十三州此為冀州領郡國九

後漢屬并州周禮正北曰并州其鎮曰恒山春秋元命苞云

不以恒山為稱而云并者蓋以其在兩

上黨郡十三城 泫氏有長平亭史記曰白起列趙長平

山中百二十里高都前志云有天井關戰國策曰築居天井

澤州府志

卷之三

沿革

四

陽阿侯國

河內郡十八城 沁水山海經水

河東郡二十城 濩澤侯國有析城山前志 端氏史記

晉端氏

河南尹有高都城蘇代所謂與周高都者有原鄉左傳曰

王與鄭高都杜氏注云沁水西北有原城曹魏建安九年

操領冀州牧或說宜復古九州則冀州所制者大後以荀

彧言不果建安十八年并省入冀至黃初元年復置并州

晉志并州按禹貢蓋冀州之域漢武帝十三州并州依舊名

不改統上黨太原雲中上郡鴈門代郡定襄五原西河朔

方十郡建安十八年省入冀州二十年分上黨立樂平郡

永興元年并州地皆為劉元海所有居平陽劉曜徙長安

其平陽以東地入石勒

按永嘉三年劉元海寇平陽太守宋抽奔京師河東太守力戰死之五年遷懷帝於平陽七年劉聰使帝行酒遂遇害建興三年劉聰寇上黨四年遷愍帝于平陽五年使帝執蓋遂遇害是時劉僞稱漢爲石勒所滅石僞稱趙勒時已據有河內十一郡并上黨等十三郡合二十四郡南至盟津西達龍門東至於河北至塞垣未幾轉相滅亡無子遺 晉志苻堅姚興赫連勃勃并州並徙河東又姚興以河東爲并冀二州云

元魏慕容永因慕容冲封河東公冲滅遂進據長子稱帝分上黨置建興郡慕容垂攻之永詭道還太行軹關垂入自天井關永退長子垂執而戮之所置建興郡元魏眞君九

澤州府志

卷之二

沿革

五

年省和平五年復永安中罷郡置州治高都城

北齊舊河內郡有沁水縣後齊省入濟源有孔山古原城高平一名平高齊末改又併入泝氏焉

後周舊長平改爲王屋縣又置懷州及平齊廢州置王屋郡隋長平郡置司隸刺史分部巡察統縣六丹川有太行山沁水有輔

山端氏

有巨峻山秦川水

濩澤

有嶠嶠山濩澤山

高平

有關官

陵川

析高平置

附紀隋時上黨郡上黨縣有羊頭山抱犢山襄垣有鹿臺山銅鞮有舊涅縣後周改爲陽城河內郡有濟源縣舊有沁水縣後齊廢爲安昌縣大業初改舊又曰州縣又曰平高縣有王屋縣舊曰長平縣後周改有王屋山齊子嶺軹關河東郡有河北縣有底柱山有傅巖 凡此要是犬牙相入名地互遷附見沿革中尚有難悉如此等者

唐貞觀元年分天下爲十道此屬河東道蓋古冀州之域漢  
河東太原上黨西河鴈門代郡及鉅鹿常山趙國廣平國  
之地河中絳晉慈隰石太原汾忻潞澤沁遼爲實沈分代  
雲朔蔚武新嵐憲爲大梁分爲府二河中原州十九縣百一  
十其名山雷首介霍五臺其大川汾沁丹潞太行黃河以  
所經者廣故  
志不開元中置河東採訪使治蒲州河北參有河東上黨  
唐武德三年置總管府領潞澤沁韓蓋五州貞觀元年置都  
督府

五代史唐中和三年李克用下兵太行渡河出洛陽與東兵  
會擊黃巢追敗于鄆城天子以其功拜克用河東節度使  
尋封晉王是年克用遣其弟克脩攻昭義軍孟方立取澤  
潞唐書昭宗光化二年二月李克用陷澤州三月朱全忠

澤州府志

卷之二

沿革

六

陷澤州 五代史光化二年梁遣氏叔琮攻晉太原不克  
秋李嗣昭復取澤潞天復元年梁大舉攻晉氏叔琮出太  
行取澤潞 唐書天復元年昭義軍節度使孟遷方立弟叛  
附於朱全忠四月全忠陷沁澤二州 天復時梁兵十萬  
攻潞州圍以夾城晉遣周德威救潞州軍于亂柳存勗新  
立出兵上黨行大霧中攻其夾城破之梁軍大敗晉兵已  
破夾城梁將牛存節等以餘兵歸行至天井關聞晉兵攻  
澤州存節顧謂諸將曰吾行雖不受命然澤州要害不可  
失也諸將皆不欲救存節戒士卒熟息已而曰事急不赴  
豈曰勇乎舉策而先士卒隨之比至澤州人已焚外城將  
降時徐懷玉屯軍澤州存節入城助守晉人穴地道來攻  
存節與懷玉選勇士數十亦穴地應之戰于隧中敵不得

入遂解去 同光元年八月梁人克澤州守將裴約死之  
是年十月晉遂滅梁

按唐末澤潞皆屬晉在梁初曾得澤州至此又屬晉而梁  
克之中間不見晉得日月蓋舊史闕不書五代之亂戰爭  
攻取彼此得失不常多類此

至東漢劉旻劉祖知遠弟初爲太原尹後周祖郭威代漢  
而旻乃稱帝顯德元年周世宗新立親征戰於高平乘勝  
追擊旻單騎間道趨平陽而遁再傳至繼元宋太宗太平  
興國四年王師北征乃歸版圖

宋分天下州軍爲十五路河東路府三太原隆德平陽州十  
四絳澤代忻汾遼憲嵐石隰慈麟府豐軍八慶祚威勝平  
定岢嵐寧化火山保德晉寧縣八十一澤州屬河東路

澤州府志

卷之二

沿革

七

按宋太宗平河東始盡收其地輿地考曰禹貢底柱析城  
至於王屋是太行皆在州境已全有其險固乃至靖康後  
悉陷于金何哉

金源隸河東南路府二節鎮三防禦一刺郡六縣六十九鎮  
三十關六 天會六年以與北京同加南字天德三年復  
去南字元光二年升爲節鎮統縣六鎮二 晉城有太行  
山水

白水天 鎮二周村巴公舊 端氏有石門山 陵川有太行山  
井關 陽城有王屋 高平有頭顱山 沁水有鹿臺山沁

元初爲平陽路太德九年以地震改爲晉寧路領司一府一  
州九司縣六府縣六州領縣四十

明復置澤州以晉城省入領四縣隸山西布政司

按唐初爲澤州後改高平郡尋又爲澤州宋屬河東道金

屬平陽府元初置司候司領晉城高平陽城沁水端氏陵川六縣至元三年省司候司并省陵川入晉城省端氏入沁水三十一年復置陵川領五縣至元二年陵川又省入晉城尋復置陵川至明祇省晉城而四縣仍舊

國朝初因之雍正六年山西巡撫覺羅石 疏稱澤州界接中州路通南北民情狡悍號稱難治其賦稅合州縣共十九萬九千餘兩亦稱繁重應升州爲府統轄五屬以專其督察 部議應如該撫所請本年四月初二日奉

旨改爲澤州府添設縣爲鳳臺縣附郭

傳有鳳鳥集於高都之北

許太守日熾考按

周春秋原左傳註在沁水縣晉以前沁水今濟源縣

### 澤州府志

### 卷之二

沿革

八

後漢河東郡濩澤侯國上黨郡陽阿侯國

晉永嘉元年并州諸郡爲劉淵所陷永興元年劉淵僭號於平陽并州之地皆爲淵有劉曜徙據長安平陽以東地入石勒及符堅姚興赫連勃勃并州徙置河東又姚興以河東爲并冀二州永和十一年十二月上黨馮鴛自稱太守背苻生附晉升平二年六月慕容恪進據上黨鴛叛歸慕容雋雋盡據河北之地太和五年九月符堅將王猛伐慕容暉陷其上黨十一月克鄴盡有其地太元九年苻堅平陽太守慕容冲起兵背堅十一年九月慕容永據長子十九年慕容垂并慕容永得所統八郡

元魏初置高平縣隋初置沁水縣唐初置陽城縣

隋地理志沁水舊治廣寧郡後齊郡廢改爲永寧開皇十



八年改沁水按北魏地形志建州四郡高都長平安平泰寧無廣寧其時有泰寧太守房謨廣寧太守任祥相去不遠二郡似非一地今志以爲泰寧卽廣寧在沁水縣未知何據按陽城縣西北二十里有大寧村其地宏敞可建城郭似其故址如鳳臺有建興高都二村高平有長平驛邑之有澤城也

唐末澤潞屬晉梁初已得澤州至李繼韜叛時又屬晉而梁克之中間不見晉得澤州年月蓋舊史闕不書

明初洪武誥敕澤州屬平陽府

陽城田氏嘉穀考按

禹貢冀州之域

周春秋屬晉按府屬四封東北至壺關古黎侯國又至

澤州府志

卷之二

沿革

九

河南林縣當爲殷之畿內周邶鄘衛之地東東南俱至輝縣古共伯國南至脩武殷之甯邑周曰脩武春秋又名甯又至河內濟源兩縣其先則蘇忿生之田東周畿內桓王以與鄭至襄王以賜晉文公乃屬晉其原邑則晉以前之沁水縣今濟源縣也又太行山麓有古邗國西南至垣曲縣周召分陝之地召爲召公食邑亦東周畿內之地其地有臯落城東山臯落氏亦在其界今平陽人猶謂澤境爲東山云西至翼城杜預云翼晉舊都穆侯徙絳昭侯以下又徙于翼左傳曰曲沃莊伯伐翼是也西北至浮山本丹朱食邑北至長子長治長子周史辛甲所封長治爲赤狄潞氏之國定王十三年晉滅潞子嬰兒地乃入晉春秋以前惟濩澤見穆天子傳高平志云其地爲潞氏之境語無

所考大約晉獻公兼并文公創霸之後乃皆屬晉至其後  
又取潞耳左傳曰晉甸侯也似其先皆東周畿內之地未  
有封國

戰國屬韓後屬趙 地理通釋秦上黨郡今澤潞儀沁四  
州之地兼相州之半韓總有之至七國時趙得儀沁二州  
之地韓猶有潞州及澤州之半半屬趙魏今按史記趙肅  
侯元年奪晉君端氏周赧王三十五年秦白起伐趙取代  
光狼城五十三年秦白起伐韓拔野王上黨降趙五十五  
年秦王齧攻趙上黨拔之白起代將大破趙軍殺其將趙  
括坑降卒四十萬五十六年秦攻趙拔武安皮牢定太原  
上黨莊襄王三年秦悉拔上黨諸城置太原郡其年蒙鰲  
先攻魏高都汲拔之始皇代立爲秦王已有河東太原上

黨郡 秦楚之際武臣立爲趙王使張騫略上黨漢元年  
項羽徙魏王豹于河東都平陽爲西魏王漢王還定三秦  
豹以國屬焉敗彭城還豹絕河畔漢漢王遣韓信擊虜豹  
以其國爲河東郡

漢書地理志冀州河東郡有濩澤端氏上黨有泫氏高都  
陽阿昭帝始元元年有司請河東屬并州

後漢地理志司隸河東郡有濩澤侯國端氏并州上黨郡  
有泫氏高都陽阿侯國

晉書地理志司州平陽郡有端氏濩澤并州上黨郡有泫  
氏高都按并州禹貢冀州之域舜置十二牧則其一也漢  
武帝置十三州依舊名不改統上黨太原等十郡建安十  
八年省入冀州魏黃初元年復置并州晉因而不改永興

元年劉淵潛號於平陽稱漢于是并州之地皆爲淵所有  
劉曜徙都長安其平陽以東地入石勒及苻堅姚興赫連  
勃勃并州並徙置河東又姚興以河東爲并冀二州云今  
按永嘉元年并州諸郡爲劉淵所據永和十年十二月上  
黨人馮鴛自稱太守背苻生來降升平二年六月慕容恪  
進據上黨鴛叛歸慕容雋雋盡陷河北之地太和五年九  
月苻堅將王猛伐慕容暉陷其上黨十一月克鄴盡有其  
地太元九年苻堅平陽太守慕容冲起兵背堅十一年慕  
容永稱帝於長子十九年八月慕容垂圍長子拔之得所  
統八郡

北魏書地形志建州慕容永分上黨置建興郡眞君九年  
省和平五年復永安中罷郡置建州領郡四高都郡永安

澤州府志

卷之二

沿革

十一

中置領縣二高都陽阿二漢屬上黨晉罷後復屬長平郡  
領縣二高平永安中置治高平城泫氏郡治 按此初有  
高平縣以前所謂高平皆非縣地安平郡領縣二端氏眞  
君七年省太和二十年復瀆澤泰寧郡孝昌中置及縣領  
縣四東永安西河西瀆澤高延 按志泰寧一名廣寧魏  
書有泰寧太守房謨廣寧太守任祥二人同時卽魏別有  
廣寧郡不在郡界考祥事則似非彼廣寧也

隋書地理志長平郡舊曰建州開皇初改爲澤州統縣六  
丹川舊曰高都後齊置長平高都二郡後周並爲高平郡  
開皇初郡廢十八年改爲丹川大業初置長平郡沁水舊  
置廣寧郡後齊廢縣改爲永寧開皇十八年改焉端氏後  
魏置安平郡開皇初郡廢瀆澤高平舊曰平高齊末改焉

又併泫氏入焉陵川開皇十六年置 按此初有今沁水縣北朝郡縣太繁建置分合頻數今考魏書隋書兩志皆不可據也

舊唐書武德元年置絳州總管府管絳潞蓋建澤沁等十五州三年廢貞觀元年分天下爲十道三曰河東道開皇二十一年分天下爲五十道置採訪使至德之後置節度使昭義軍領潞澤等五州

新唐書河東道澤州高平郡上本長平郡治濮澤武德八年徙治端氏貞觀元年徙治晉城天寶元年更郡名縣六晉城本丹川武德元年置建州二年析丹川置晉城以隸之六年州廢隸蓋州徙蓋州來治九年省丹川蓋州入晉城貞觀元年州廢以晉城高平陵川來屬天祐二年更曰

澤州府志

卷之二

沿革

十一

丹川端氏陵川陽城本濮澤天寶元年更名天祐二年更曰濮澤沁水高平本隋長平郡武德元年曰蓋州領高平丹川陵川三縣並析置蓋城縣以隸之 按此始有今陽城縣

宋地理志河東路澤州高平郡縣六晉城高平陽城端氏陵川沁水

金地理志河東南路刺郡六澤州宋高平郡天會六年以與北京澤州同加南字天德三年復去南字貞祐四年隸昭義軍後又改隸孟州元光二年升爲節鎮軍曰忠昌縣六晉城端氏陵川陽城元光二年十一月升陽城爲勳州高平沁水

元地理志中書省統山東西河北之地謂之腹裡河東山

西道肅政廉訪司晉寧路元初爲平陽路大德九年改晉寧澤州唐初爲澤州後爲高平郡又仍爲澤州宋屬河東道金屬平陽府元初置司候司及領晉城高平陽城沁水端氏陵川六縣至元三年省司候司省陵川入晉城省端氏入沁水後復陵川凡五縣

按舊志亦有未合者又如長平廣寧高平陽城沁水郡縣之名多有重複今備錄史志亦叅論說其所不知不敢不闕也